

Written Submission
Consultation on Panel on Security
June 11, 2016

The Lion Rock Institute
info@lionrockinstitute.org

我喺獅子山學會有個同事，佢婆婆早排跌親，盤骨碎咗。就算情況已穩定，出咗院都需要人照顧。咁呢位同事嘅媽咪，就諗住搵多個住家工人幫手。

媽咪同同事落到介紹所，咁啱真係搵到個合心水，有照顧傷病老人家經驗，既菲律賓藉工人。媽咪同同事都好開心。

不過，嗰位工人姐姐更開心。當知道同事屋企想請佢嚟刻，佢頭即向天，手，喺心口畫出十字架，眼淚亦開始流。

原來，個工人姐姐離鄉別井，係因為屋企有人病咗，要借醫藥費去醫，所以就來香港打工還債。點知請佢嘅老闆出現財困，要辭退佢，佢就好擔心。因為冇工後只可以留喺香港兩個禮拜再搵工，仲要就算成功搵到新老闆，老闆同員工雙方就算齊晒啲文件，都要等四至六個禮拜。仲要老闆同員工雙方都已被政府認可過，都要四至六個禮拜。

主席，政府搞咩呀？呢到係咪香港來□？

咁大家知唔知呢個咁disgraceful做嘢方法嘅後果係咩？

就係個工人同我個同事講，如果有份工，就算被虐待、好似奴隸咁，都唔會敢出聲呀！

幾個禮拜前，有外國組織話香港有幾萬人奴隸般生活。當時，我哋獅子山學會上上下下唔明嘅地方，就係有人被迫做啲佢哋唔想做嘅事，一定會喺呢個資訊流通嘅香港出聲被揭發。如果唔敢，點解？依家，我哋明啦。

各位，我哋獅子山學會唔知呢四至六個禮拜嘅處理時間係幾時開始。不過我哋已經生活喺個一開手機就知附近有幾個架的士嘅世代，係咪要從最根本咁逐一剷除呢啲會令人就算變奴隸都唔敢出聲嘅做事方法？

主席，我想政府知，呢個現有家庭傭工簽證嘅不公義，對獅子山學會，係私仇。一定要報。